



გრინვიჩის დროით შუალამის თორმეტის ნახევარი იყო, კლაუს ტოპმიოლერს ფარერების დედაქალაქ ტორსჰავენში რომ დაფუკავშირდით. იქ გუნდი თამაშიდან საათნახევარში ჩავიდა, ივასშმა და ჰერ კლაუსიც მერელა აღმოჩნდა ჩვენს განკარგულებაში...

— როგორ შეფასებდით თამაშს?
— ბევრი ტრავმიანი ფეხბურთელი გვაკლდა — ზიზანიშვილი, კალაძე, ცქიტიშვილი, მარცვალიძე... ამ ყველაფრიდან გამომდინარე, შედეგიც და თამაშიც დადებითად უნდა შეფასდეს. საქართველოს ნაკრებისთვის ეს ძალიან კარგი შედეგია.
— არცთუ ცოტა შეცდომა იყო დაცვაში...
— დაცვაში ორი წამყვანი ფეხბურთელი გვაკლდა — ზიზანიშვილი და კალაძე. ასეთი დანაკლისის შემთხვევაში შეცდომები ნებისმიერ გუნდს ექნებოდა.
— საქართველოს ნაკრებიდან რომელ ფეხბურთელს გამოარჩევდით?
— ყველას, საერთო ჯამში, გუნდმა კარგად ითამაშა, ყველა ფეხბურთელმა შეასრულა დავალება, არც ერთ მათგანს კონცენცია არ დაუკარგავს.
— მომდევნო მატჩი საფრანგეთთან გვაქვს და ეროვნული სტადიონი ალბათ გადაიჭედება...
— ვფიქრობ, ბევრი რამის უკეთესობისკენ შეცვლა უკვე მოვახერხეთ. დღევანდელ მატჩში გვექონდა შეცდომები, მაგრამ თუ 2 სექტემბრისთვის საქართველოს ნაკრების ყველა წამყვან ფეხბურთელს მოუყვრით თავს, მართლაც კარგი გუნდი გვეყოლება.

ნ

ფარერები წყალს ბაჰყვა, საფრანგეთი მოდის



ო

პირველი შოთ თრიქი

შოთა არველაძე: კარგია, რომ ასე ლამაზად მოუვივთ ფარერებს, დანარჩენი კ...
მინდოა ცუდი იყო, სტადიონს ტაბლოც არ ჰქონდა და, საერთოდ, რასაც საფეხბურთო ჰქვია, ასეთი ამ სტადიონს არაფერი სცხია. შედეგით, რა თქმა უნდა, კმაყოფილები ვართ, მეც კმაყოფილი ვარ იმით, რომ ნაკრების ოფიციალურ მატჩში პირველი ჰეთ თრიქი შევასრულე, მაგრამ თამაშის შემდეგ ისეთი ამბავი გავიგეთ, განწყობა ჩავვიშხამდა — დათო მუჯირს დედა გარდაეცვალა...
— ეს ძალიან სამწუხაროა... კლაუს ტოპმიოლერმა კი თამაშის მერე რა ვითხრათ?
— განსაკუთრებული არაფერი, კარგია, ასე რომ მოვივთ, მაგრამ ბევრი წუნი გვექონდა.

— შოთა არველაძის თამაშზე რას იტყვოდით?
— სამი გოლის გატანა თავისთავად დიდებულია, მისი მეორე გოლი მართლაც განსაკუთრებული იყო, თუმც ამ მატჩში საუკეთესო გოლი დავით მუჯირმა გაიტანა.
— გიორგი დემეტრაძე რისთვის დასაჯეთ — რატომ არ გაამწესეთ სასტარტში?
— მან დაივიანა, დროულად არ გამოცხადდა და მოუხედავდ იმისა, რომ ბევრი ტრავმირებული გვეყვდა, დისციპლინის დარღვევას ვერავის ვაპატიებთ. თუ უდისციპლინობას შევეგუებით, ისეთ გუნდებთან, როგორც საფრანგეთი და იტალია, არანაირი შანსი არ გვექნება.
— ეს გამარჯვება ალბათ იმიტომაც იყო მნიშვნელოვანი, რომ ქართველებს თავდაჯერებულობას შემატებს...
— ქართველ ხალხს, რომელმაც ტელევიზიით ნახა ეს მატჩი, ალბათ პატარა ბედნიერება მიეანიჭეთ და გავუღვივეთ რწმენა, რომ ფეხბურთის თამაში ისეთ პატარა ქვეყანასაც შეუძლია, როგორც საქართველოა.
— 2 სექტემბერს საფრანგეთთან მატჩისთვის როგორ მოემზადებით?
— ჯერ ვიდუფირებს უნდა ჩაუვადე, მომდევნო კვირაში კი თბილისში ჩამოვალ.

დავით თავართქილაძე



ალან ბოშაძე ტოფტირიდან



2008 წლის ევროპის ჩემპიონატის შესარჩევი ეტაპი. B ჯგუფი



ჩვენ წარმოვიდგინეთ, თქვენ წარმოადგინეთ გზადღობით!

ტოშტირი. 16 აგვისტო. 22 საათი. ტოშტირი. 1 000



ფარერები 0:6 საქართველო



0:1 მუჯირი (16), 0:2 იაშვილი (18), არველაძე (37), კობიაშვილი (51), 0:5, 0:6 არველაძე (63, 82)

<p>ფარერები: მიკელსენი, იონსენი, დანიელსენი, იოჰანსენი, იორგენსენი (პანსენი 46), ბენიამინსენი, ბორგი, ნილსენი, ჰ. სამუელსენი (პ. სამუელსონი 61), კ. იაკობსენი, რ. იაკობსენი (ფრედრიკსბერგი 72)</p> <p>სათადარიგო: ტორლეფსონი, მორტენსენი, იონსენი</p> <p>85მინუტი: მარტინ ოლსენი</p>	<p>საძირითადი: ჭანტურია, შაშიაშვილი, ასათიანი, კანდელაკი (კვიციანი 67), კობიაშვილი, ალადაშვილი (გაბოკიძე 72), გოგუა (დემეტრაძე 58), კანკავა, მუჯირი, იაშვილი, არველაძე</p> <p>სათადარიგო: ლომია, მენტეშვილი, სალუქვაძე, იონანიძე</p> <p>85მინუტი: კლაუს ტომპილდერი</p>
<p>გაგრძელება: რ. იაკობსენი (29), იოჰანსენი (43)</p>	
<p>მსაჯენი: მ. როსი, დ. როდფერნი, ჯ. მაკდაუელი; დ. მალკოლმი (ჩრდ. ირლანდია)</p>	
<p>ინსამტორი: ლ. ბიორკი (შვედეთი); შეზღვევა: დ. მალკოლმი (ჩრდ. ირლანდია)</p>	

გახსოვთ, ექვსი წლის წინ საქართველოს ნაკრებმა ლიტვაში 4:0-ით რომ დაიწყო შესარჩევი ციკლი? განა ლიტვას ვადარებთ ფარერებს, მაგრამ გუშინ რომ საქართველოს ნაკრები ვნახეთ, რაღაც სხვანაირი გუნდი იყო. 6:0-ს რომ იგებ და კიდევ შეტევაზე გიჭირავს თვალს, ეს რაღაც „არაქართულად“ ჩანდა აქამდე, გუშინ კი უყურებდი და თან საათს დასცქეროდი, ნეტავ, დიდხანს გაგრძელდეს ეს თამაში — ნაღდად სამო საყურებელი იყო...

კლაუს ტომპილდერი სიტყვის კაცია: პარავაისთან მართლა არწასაგები წაგების შემდეგ თქვა, მომდევნო მატჩს საქართველო აუცილებლად მოიგებსო. მოიგო კიდევ, მაგრამ მოგებაცა და მოგებაც — დამბალ მინდორზე და ზაფხულისთვის უჩვეულო სუსხში ჩვენებმა სიცხე დამართეს მასპინძელ ფარერებს, რომლებიც, ვინძლო, ჯგუფში ასაღებ ქულებს თითებზე ითვლიან და პირველ რიგში ქართველებისგან ელოდნენ „წყალობას“.

ტოპიმ ჩვეულ 4-3-3-ს არ უღალატა — შოთა არველაძე ცენტრფორვარდად გაამწესა, სიდრმიდან კი დავით მუჯირი და ალექსანდრე იაშვილი ამოუყენა. ნახევარდაცვის ბურჯად, ცხადია, ლევან კობიაშვილი იდგა, გოგუტა გოგუამ, ტრა-

დიციულად, ფუტკარივით იმუშავა იქვე მიდამოებში და ჯაბა კანკავა, მართალია, ცოტა შეუმჩნეველი იყო, მაგრამ ანსამბლში იჯდა. კახა კალაძე და ზურაბ ზინანაშვილი არ იყვნენ, პოლა, ტომპილდერიც, მოლოდინისამებრ, მაღაზს ასათიანი დაწვია დაცვაში, მის გვერდით გიორგი შაშიაშვილი დააყენა, ფლანგები კი კახა ალადაშვილსა და ილია კანდელაკს ანდო.

რაც შეეხება გრივოლ ჭანტურიას, მას ფარერებმა მხოლოდ მე-5 წუთზე დაუფრთხეს ანგელოზები, ოლონდ ძალიან კი დაუფრთხეს — ბენიამინსენმა 5-6 მეტრიდან ქაჯურად დარტყა და, რასაც ჰქვია, გადაურჩით!

ეს იყო და, გვარებწარწერილი მუდმივნიშნის მათსურებით მოთამაშე ქართველებმა მოზიდეს მშვილდი და მე-16 წუთზე ისეთი გოლი გამოაღწესა, რობერტო კარლოსსა და რივალდოსაც შურით გააფრთხებდა — დავით მუჯირმა 25-30 მეტრიდან დააჭექა...

დაწყება და გაგრძელება ერთი იყო: „მუშუ“ დაფარული პასით მასპინძელთა მეკარეს შეატოვა გოგუტა გოგუა, რომელიც შეეფრინდა, მაგრამ პასი კი გამოუვიდა და ალექსანდრე იაშვილმა საგოლედ გაისროლა — 0:2. გატანის რიტუალიც ლოგიკური იყო, მოზეიმე ქართვე-

ლებმა ზურაბ ზინანაშვილს ქალიშვილის დაბადება მიულოცეს. მუჯირი და იაშვილი სიქას აცლიდნენ ფარერულ მცველებს, არველაძე კი თითქოს ინერტული იყო, მაგრამ კლასი, კლასი... ნაკრების მთავარმეოვლემ 37-ე წუთზე გოგუას ფლანგურ პასს ოსტატურად მიჰკრა ფეხი და ცხადი გახდა — დარჩენილი დრო სტუმრების სოლო-კონცერტად უნდა ქცეულიყო. შესვენებაზე ჰერ კლაუსს ცვლილება არ მოუხდენია და არც არაფერი რჯიდა. კონცერტი გრძელდებოდა და 51-ე წუთზე იაშვილმა პენალტი გამოსტყუა მცველს, 11 მეტრიდან კი ლევან კობიაშვილმა ცენტრში შეაგდო ბურთი — 0:4.

გოლი ფეხბურთის სიღამაზე და ზოგს ტყვიასავით გასროლილი ჩაჭედოდა მოსწონს, ზოგსაც ჩახუჭუჭებულ-კომბინაციური. კომბინაციური ვნება? ინებეთ — იაშვილმა ცენტრიდან კედელ-კედელ ათამაშა ბურთი მუჯირთან, მერე შეცვლაზე შესულ გიორგი დემეტრაძეს ფლანგზე გააყოლა, ამანაც საჯარიმოში ჩააწოდა და არველაძემ ლამის „შაგატში“ გაჭიმულმა ურთულესი სიტუაციიდან შეაგდო — ესეც ხუთი!

ტოპიმ დავით კვიციანი და კარგახანს ნატრავმალს გოგა გახოკიძეც შეუშვა ფარერელთა დასაწიოკებლად, მეექვსე გოლის სუნი ყველას სცემდა და გამოვიდა კიდევ — არველაძე პირისპირ დარჩა მეკარესთან, ჩვეულ სტილში მოატყუა და... ეს იყო პირველი ჰეთ თრიქი საქართველოს ნაკრების ოფიციალურ მატჩებში. აქამდე მხოლოდ ერთხელ, ამხანაგურში ვნახეთ ქართული სამგოლიანი და ისიც შოთას ეკუთვნოდა სომხებთან 7:0 მოგებულ ამხანაგურ თამაშში. და რადგან რეკორდებზე მიდგა საქმე, 6:0 სხვა რა არის...

კიდევ რა დავინახეთ ქართველთა თამაშში? განწყობა, ჟინი, ემოცია, კლასი და... 2 სექტემბრის მოლოდინი...

ილია ნანოზაშვილი



გუშინ, თამაშისას, დავით მუჯირი ბედნიერი კაცი იყო...
 გუშინვე, თამაშის მერე, მან ტრაგიკული ამბავი შეიტყო...
 სარბიელელები სამძიმარს ვუცხადებთ დავით მუჯირს დედის გარდაცვალების გამო

ახსანაგური მატჩები

ფინეთი 1:2 ჩრდ. ირლანდია
რუსეთი 1:0 ლატვია
რუმინეთი 2:0 კვიპროსი
ეგვიპტე 0:2 ურუგვაი
ლუქსემბურგი 0:1 თურქეთი
დანია 2:0 ავსტრია
ნორვეგია 1:1 გრაზილია
ჩეხეთი 1:3 სერბეთი
ლიხტენშტაინი 0:3 შვეიცარია
ავსტრია 1:2 უნგრეთი
გერმანია 3:0 შვედეთი
იტალია 0:2 სლოვაკია
გონსონი 1:2 საფრანგეთი
ინგლისი 4:0 საბერძნეთი
ირლანდია 0:4 პოლონდია
ბელარუსი 3:0 ანდორა

ევრო-2007 ახალგაზრდულები

შესარჩევი ეტაპი

ავსტრია 0:0 ისლანდია	რუმინეთი 3:0 ჩრდ. ირლანდია
ბელარუსი 1:0 კვიპროსი	შვედეთი 3:1 გაბონი
გონსონი 3:2 სლოვაკია	საბერძნეთი 0:2 ირლანდია
სლოვენია 1:0 შოტლანდია	ისრაელი 3:2 უელსი
პოლონეთი 3:1 ლატვია	სლოვაკეთი 0:0 ალბანეთი
უნგრეთი 5:0 ფინეთი	უკრაინა 0:3 ბულგარეთი

ფინალური

ლიგის თასი. პირველი ეტაპი. გადამწყვეტი	
ერდნი 0:3 გრანდა	ელბინი 2:0 სტანბურგური
ისტ ფაიფი 0:3 რუსი	მონტროუსი 2:0 პიტერბური

ევრო-2008 შესარჩევი ეტაპი

მსტონეთი 0:1 გაბონი

გაბონი 0:0 ყაზახეთი

აზიის თასი 2007 შესარჩევი ეტაპი

ავსტრალია 2:0 ძუვეითი
ინდონეზია 0:3 ს. არაბეთი
იაპონია 2:0 იემენი
ჩინეთი 1:0 სინგაპური
უზბეკეთი 2:2 ჰონგკონგი
ირანი 1:1 სირია

ახალგაზრდულაბი

საჭიროა თუ არა მთავარი მწვრთნელი ახალგაზრდულ ნაკრებში?

კაუნსი. 16 აგვისტო. 20 საათი. ღარიუსის და შირვანის სახელობის სტადიონი

ლიტვა 1:0 საქართველო

<p>წითელი (15ა)</p> <p>ლიტვა: სეტკუსი, იგაშვილი, ბარტკუსი, რიმაკისი, რომონასი, პანკა, კალონასი, მიკოლიუნასი (ლუკა 72), სერნასი (ურბუსი 58), პილიბაიტისი (ვეივილიუსი 62), ლაბუკასი, სათადარიგონი: კლევიუსკასი, პალიონისი, გნედოუსი, ჩინიკასი, მწვრთნელი: ვიტალიუს სტანკევიჩიუსი</p> <p>საქართველო: რევიშვილი, თომაშვილი, სეთურიძე, კაშია, ფიფია, ნავალოსკი, განუგრაგა, გრიგალაშვილი, კობახიძე (ზუბუტია 89), გოციროძე (გელაშვილი 70), მერეზაშვილი (ბუაღაგა 46), სათადარიგონი: თევდორაძე, ელიავა, გვაძაბია, წინამძღვრის მწვრთნელი: კობა ყორყიკაშვილი</p> <p>მსაჯე: პ. კარი, ი. იკონენი, ტ. კოტინური, ი. შიტილა (ფინეთი)</p> <p>ინსპექტორი: უ. ტუტტი (ესტონეთი);</p> <p>უფას მდივანი: ი. ობლოჟინსკი (სლოვაკეთი)</p>	
--	--



ქართველებმა შაულიუს მიკოლიუნასის (№10) შეჩერება ვერ მოახერხეს

ლიტვაში უმთავრესწვრთნელად, რალო მინგეს გარეშე ჩასულმა ქართველმა 21-წლამდელებმა პირველ ტაიმში სახიერო ვერაფერი შექმნეს.

საწყისი წუთების შემდეგ ლიტველთა უპირატესობა გამოიკვეთა, ქართველები კი ნერვიულობდნენ და უხეშობას უმატეს, თუმც მსაჯმა ჩვენ ახალგაზრდებს ოდენ სიტყვიერი ვაფრთხილება აკმარა.

გუნდური მექანიზმი სტუმრებს მორყეული ჰქონდათ და გოლიც გაუშვეს — საკუთარ საჯარიმოში მეტოქე სანდრო კობახიძემ წააქცია და პანკამ ზუსტად შეასრულა II მეტრიანი.

გაშვებულმა გოლმა ჩვენი გუნდი ვერ გაახელა — არ იყო აგრე-

სია და ტემპის მომატების მცდელობა, მოედანის ცენტრში ბევრი იყო ტექნიკური წუნი. ლიტვას კი უპირატესობის გაზრდის შანსი მიეცა, მაგრამ კალანასმა ოდნავ ააცილა ნუკრი რევიშვილის კარს.

ერთი ხანობა ჩვენმა ახალგაზრდებმა თამაში გამოასწორეს, თუმცა შოთა გრიგალაშვილის შორეული და უშედეგო დარტყმის გარდა ვერაფერს გამოიჩინეს.

ტაიმის ბოლო 7-8 წუთში ლიტვამ მარწუხებს კიდევ უფრო მოუჭირა — ბალტიისპირელთაგან ყველაზე უფრო პართსელი მიკოლიუნასი გამოირჩა.

ტაიმის მიწურულს ლიტვამ მტურმისმაგვარიც კი მოაწყო, ქართველები მეტოქის მოედნის ნახევარზეც ვერ გადადიოდნენ, თუმც საკუთარი კარის დაცვა მოახერხეს.

შესვენების შემდეგ თამაში ისე განახლდა, ქართველი 21-წლამდელები შედარებით უკეთესად გამოიყურებოდნენ, მაგრამ მათი მონღომება მალევე განელდა — ლიტველები კვლავ დაუფლდნენ უპირატესობას და შაულიუს მიკოლიუნასს რომ ემარჯვა, გოლსაც გამორჩებოდნენ — ლიტველთა იერიშების სული და გული სწორედ „პართსის“ შემტვევი შუახაზელი გახლდათ.

ტაიმის შუისკენ ჩვენები გაყოჩაღდნენ და რამდენჯერმე მწვავე იერიშით მიიტანეს ბალტიისპირელთა კართან — ბექა გოციროძეს არცთუ ურიგო შანსი ჰქონდა, მაგრამ გამოთანაბრებელი ვერ შეაგლო — მცველმა დაუფარა. მანამდე კი გრიგალაშვილმა ერთხელაც სცადა შორი მანძილიდან გატანა და მიზანი ოდნავ ვერ გაისწორა.

ერთი სიტყვით, მეორე ტაიმი საქართველოს ახალგაზრდულმა ნაკრებმა პირველზე ოდნავ უკეთ ითა-

მაშა, 85-ე წუთზე კი ჩინებული მომენტი ვერ გამოიყენა — ნიკა გელაშვილი მეკარესთან პირისპირ აღმოჩნდა, შორეულ კუთხეში გაგზავნა ბურთი, მაგრამ სეტკუსმა მაინც შეძლო მისი მოგერიება.

ვერო 2007-ის მეორე შესარჩევი ეტაპის მომდევნო შეხვედრას ქართველები 3 სექტემბერს შინ ითამაშებენ სერბეთთან, თუმც გუშინდელი მარცხით ჯგუფიდან გასვლის შანსი ძალიან შეიმცირეს.

ლუბა თალაგვაძე

ჩვენი მატოქეები

უსარგებლო რეკორდი

უკრაინა ბურთებს საქართველოსთვის ეძებს



აზერბაიჯანელთა განადგურება ანდრეი ვორონინმა (№10) დაიწყო

მსაბ ამანაგური მატჩი? — უკრაინელები გაწბილებულნი დარჩნენ იმით, რაც გუშინწინ „ლობანოსკიზე“ ნახეს. უკრაინამ ცალი ფეხით მოუგო აზერბაიჯანს და ამ შერკინებით, ბევრიც ვერაფერი მიიღო.

„კარგა, ასეთი შედეგით რომ მო-

ვიგეთ, მაგრამ ისიც ფაქტია — მეტოქე ძალიან „სუსტი იყო“ — განაცხადა მატჩისშემდგომ პრესკონფერენციაზე უკრაინელთა თავკაცმა ოლეგ ბლოხინმა.

სხვათა შორის, უკრაინის ნაკრების ისტორიაში ეს სარეკორდო

მოგება გახლდათ — ექვსბურთიანი სხვაობით მათ აქამდე არასოდეს მოეგოთ.

„ანგარიშის გარდა მომეწონა ისიც, რომ ფეხბურთელები ბოლომდე დაიხარჯნენ. კმაყოფილი ვარ ახალწვეულების მონდომებითაც“ — თქვა ბლოხის ბლოხინმა.

მასპინძლებმა ოთხი გოლი პირველ ტაიმშივე გაიტანეს — ვორონინმა, ნაზარენკომ, როტანმა და გუსევა შესვენებამდე გაარკვიეს ყველაფერი; ორიც ვორობეიმ და ბელიკმა შეაგდეს მეორე 45-წუთეულში — 6:0.

და ისევ ბლოხინი: „დღეს მსოფლიოს ჩემპიონატის ოფიციალური ბურთით არ გვიტამაშია, რადგან ყველა დავასაჩუქრეთ და აღარ დაგვრჩა. იმედა, საქართველოსთან მატჩამდე ახალ ბურთებს მივიღებთ. რაც შეეხება ვერო 2008-ის შესარჩევს — თუ შოტლანდიასთან, საქართველოსთან, ლიტვასთან და ფარერებთან ქულები კარგად მოვაგროვებთ, მეორე ადგილისთვის ბრძოლას შევძლებთ, რაც სავსებით დამაკმაყოფილებს.“

უკრაინამ ასეთი შემადგენლობით ითამაშა: *კერნოზენკო, ნესმაჩი (სეიდურსკი 55), ტიმოშჩუკი (შელაგვი 46), კუჩერი, რუსოლი, როტანი (მიხალიკი 55), გუსევი (ვორობეი 46), ვორონინი (გუსინი 54), ტაჩენკო, ნაზარენკო (რიკუნე 46), ბელიკი.*

კახა შალაგვაძე

სარბუთი იბებს და ქართველებს ზვირაპს

საქართველოს ახალგაზრდული ნაკრების თავკაცმა რალო მინგემ ამას წინათ თქვა, ლიტვაში ფრეც ნორმალური შედეგი იქნება, რადგან შემდეგ სერბეთს შინ ვიდებთ და მათთან მოგების შემთხვევაში მომდევნო ეტაპზე გავალთო.

მოგეხსენებათ, საქართველო — სერბეთის 21-წლამდელები თბილისში 3 სექტემბერს შეეყრებიან ერთმანეთს. გუშინწინ კი ბალკანელები ჩეხ თანატოლებს სტუმრად ამხანაგურად ეთამაშნენ და 1:0 იმარჯვეს.

სერბ ახალგაზრდებს ახალი თავკაცი ჰყავთ — მიროსლავ ჯუკიჩი, რომელსაც 12 სეზონი გაუტარებია ესპანეთის პრემიერლიგის იონში — „ლეპორტივოსა“ და „ვალენსიაში“ — და ჩემპიონთა ლიგის ორგზის ფინალისტი.

ჯუკიჩმა ჩეხებთან ასეთი შემადგენლობა ათამაშა: *კაპრიმანი, ივანოვიჩი (კაჩარი 46), ტოშიჩი, რინჩი, კოლაროვი, კრასიჩი (რადოვიჩი 46), დრინჩიჩი, მილოვანოვიჩი (სმილიანიჩი 52), იანკოვიჩი (პეროვიჩი 46), რაკიჩი, მრდა (ბაბოვიჩი 76).* სერბთა ერთადერთი გოლი დრავან მრდამ შეაგლო 72-ე წუთზე.



მიროსლავ ჯუკიჩი

გუშინ კი ჯუკიჩი კაუნასში დაეწყო ლიტვა — საქართველოს 21-წლამდელთა მატჩს: „მეტოქეებს ყურადღებით უნდა დავაკვირდე. მათი ტექნიკური სქემები და პლუს-მინუსები უნდა შევისწავლო. სამგუნდიან ჯგუფში ჩვენ უდავო ფავორიტები ვართ და აუცილებლად უნდა გავიდეთ მომდევნო ეტაპზე. მოდუნებას არ ვაპირებთ.“

ილია ნანობაშვილი

თურქეთი დამთავრდა, ლაბონია არ გამოვიდა გივი დიდავამ დინამო-ტორპედო გაიხსენა და საქართველოზე დაფიქრდა

ექვსი სეზონი თბილისის „დინამოში“, ხუთი ქუთაისის „ტორპედოში“, ერთი ბელგიურ „რასინგ-მეხელენში“ და ისრაელის უმაღლესი ლიგის „მაკაბიში“, 21 მატჩი ეროვნულ ნაკრებში... 30 წლის გივი დიდავამ ახლა თბილისშია და დღეს-ხვალ, ალბათ, ახალ გუნდში გადავა. რგი ბოლოს თურქულ „ქოჯაელისფორში“ თამაშობდა...



გივი დიდავას (მარცხნივ) ეროვნულ ნაკრებში რობი კინთანაც უბაძეკრია

— „ქოჯაელში“ სამნახევარი წელი ვიყავი, თავიდან სუპერლიგაში, მერე — პირველში. სამწუხაროდ, „ქოჯაელთან“ კონტრაქტის გაგრძელება შეუძლებელი იყო, რადგან თურქეთის პირველი ლიგის გუნდს ლეგიონერთან კონტრაქტის გაფორმების უფლება არ აქვს. არსებობს ერთი გამოსავალი — თურქული პასპორტის აღება, მაგრამ ამისთვის აუცილებელია, ხუთი წელი ცხოვრობდე თურქეთში. ძალიან დამწყდა გული, თურქეთიდან რომ წამოვედი. არადა, გუნდში ახალი მწვრთნელი მივიდა და „ქოჯაელი“ სუპერლიგაში დაბრუნებას აპირებს.


— „ქოჯაელში“ დაცვაში თამაშობდი თუ ნახევარდაცვაში?
— ორივეს — დაცვის ცენტრში ან საყრდენ ნახევარმცველად.
— თურქეთის ჩემპიონატის პირველ ლიგაზე რას იტყვი?
— ნორმალური დონეა. ზოგი იქაური იმასაც კი ამბობს, პირველ ლიგაში უფრო რთულია თამაში, რადგან უფრო მეტი ბრძოლაა, ხოლო სუპერლიგაში უფრო კლასის ხარჯზე თამაშობენო.
— თურქეთის პირველ ლიგას

საქართველოს უმაღლეს ლიგასთან როგორ შეადარებ?
— „ქოჯაელში“ წასვლამდე საქართველოს ჩემპიონატი ურიგო არ იყო, ახლა კი არ ვიცი, რა ვითარებაა. რაც თურქეთიდან წამოვედი, საქართველოში მხოლოდ ერთ თამაშს, „ზესტაფონი“ — „ამერიკ“ თასის ფინალს ვუყურე და ერთი თამაშით დასკვნას ვერ გამოვიტან.
— ახალ გუნდში გადასვლის რა ვარიანტები გაქვს?
— ლატივიდან ახლახან დაებრუნდი. იქაურ „ვენტსპილსთან“ მქონდა მოლაპარაკება, იყო წინასწარი შეთანხმება, მაგრამ ბოლო მომენტში პირობები შეიცვალა და ვერ შევთანხმდით.
— ისევ უცხოეთისკენ გიჭირავს თვალი თუ შესაძლოა, რომელიმე ქართულ გუნდში აღმოჩნდე?
— შესაძლოა, კვლავ უცხოეთში წავიდე და, თუ ეს ვერ მოვახერხებ, არაა გამორიცხული, ზამთრამდე რომელიმე ქართულ გუნდში ვითამაშო.
— საქართველოში შენი კარიერის უმნიშვნელოვანესი წლები, ალბათ, „დინამოში“ გაატარე...
— რა თქმა უნდა, „დინამოში“

მოხვედრა ხომ ყველას ოცნება იყო. ძალიან საინტერესო იყო „დინამოს“ და ქუთაისის „ტორპედოს“ დაპირისპირება. „დინამოში“ „ტორპედოდან“ მივედი და როცა ქუთაისში „ტორპედოს“ წინააღმდეგ მიწვედა თამაში, ხანდახან მწვრთნელს წინასწარ ვთხოვდი ხოლმე, არ ვეთამაშებინე და ისიც გაგებით ეკიდებოდა ჩემს თხოვნას.
— ეროვნულ ნაკრებში ბოლოს ვერო 2004-ის შესარჩევ ციკლში ითამაშე. როგორ ფიქრობ, ნაკრებს ახლა უფრო აქვს წარმატების შანსი?
— ლატივიდან გუშინ მე და ზურაბ ზიზანიშვილი ერთად წამოვედით თბილისში და მისგან გავიგე სანაკრებო ამბები. ვფიქრობ, ახალი მწვრთნელის ხელში გუნდს აღრინდელზე უკეთესი შანსი უნდა ჰქონდეს.
— მაშინ, როცა ნაკრებში თამაშობდი, ყველაზე უფრო რა აკლდა გუნდს?
— გუნდურობა, თორემ ნაკრებში ყველა მაღალი დონის ფეხბურთელი იყო, მაგრამ მოედანზე რომ გადახარ, იქ უკვე გუნდი უნდა გამოჩნდეს...
დავით თავაკთილაძე

ბათუმმა ორს ორი მიუხატა

რაც საქართველოს ჩემპიონატში პაუზაა, „ბათუმმა“ უკვე ოთხი ფეხბურთელი გადაიბირა — ამირან მუჯირისა და ალექსანდრე კოშკაძის შემდეგ ზღვისპირელებმა დავით აბშილავა და დავით გოგოლაძეც შეიგულეს. ახალგაზრდა აბშილავა თბილისის „ვიტ ჯორჯიას“ ყოფილი მცველია, გოგოლაძე კი, მოგეხსენებათ, ფორვარდია და წინა სეზონში საჩხერის „ჩიხურაში“, მანამდე კი ბოლნისის „სიონში“ თამაშობდა.
რადგან „ბათუმზე“ ვსაუბრობთ, ისიც ვთქვათ, რომ ახალ სტადიონთან დაკავშირებით ახალი არაფერია. როდის და ვისი დაფინანსებით დაიწყება მშენებლობა, ამაზე ჯერ ლაპარაკი მიღის.



ამირან გოგიტიძე გუნდს აბლიერებს

ილია ნანოზაშვილი

საქართველო — 84

ესეც ასე, საქართველოს ნაკრები „ფიფა-კოკა-კოლას“ რეიტინგში წინ მიიწევა: 87-ე საფეხურიდან 84-ეზე აინაცვლა და ენახოთ, სად ვიქნებით მომავალი რეიტინგსაში, რომელიც შუა სექტემბერში გამოქვეყნდება — მანამდე ხომ მიჯრით სამი მატჩი გვიწევს, რომელთაგან ერთი გუშინ იყო ფარერებთან.

ლიდერთა ათეულში კი არაფერი არ შეცვლილა, ან კი, რა უნდა შეცვლილიყო — არც ოფიციალური და არც ამხანაგური მატჩები თითქმის არ გამართულა:

ლუბა თალაგვაძე



საქართველოს ნაკრებმა ახალი ეტაპი ფარერებზე დაიწყო

კაი გამარჯობა ბუნოს დიასით დიეგო, ტორესმა და მარტინესმა ფესტაფონელები შეყარა



დიეგო ფიგერელო

სამივე პარაგვაელი ზესტაფონია: გუშინ ფეროელთა ვარჯიშზე ახალი სახეები გამოჩნდნენ — 22 წლის ნახევარმცველი ზესუს მარტინესი („ტრინიდენსე“, ასუნსიონი), 20 წლის ნახევარმცველი დიეგო ფიგერელო („ნასიონალი“, ასუნსიონი) და 18 წლის ფორვარდი დანიელ ტორესი („აკოსტანიუ“, ასუნსიონი). პარაგვაელები გუშინ შუადღით ჩავიდნენ ზესტაფონში და გუნდის ორმხრივ მატჩშიც ითამაშეს. საერთო აზრით, სამივემ კარგი შთაბეჭდილება დატოვა...
„როგორც წესი, „ზესტაფონის“ ვარჯიშებს მაცურებლები ყოველთვის ესწრებიან, გუშინ კი სტადიონზე დიდი ხალხმრავლობა იყო — ყველას აინტერესებდა სამხრეთამერიკელების ნახვა. ჯერჯერობით ვერ გეტყვით, როდის გაფორმდება მათთან კონტრაქტები. შესაძლოა, სამივე დაავიჯდეთ. ეს რამდენიმე დღეში გაირკვევა“ — გვითხრა „ზესტაფონის“ პრესსამსახურის უფროსმა სერგო ფუტკარაძემ.
და კიდევ: ამ სამეულიდან დიეგო ფიგერელო აშკარად გამოირჩევა — მას ათენის ოლიმპიადაზეც უთამაშია და ერთი ხანობა „მალიორკასა“ და „ვალადოლიდში“ გადასვლასთან ახლოს იყო.


ილია ნანოზაშვილი

FIFA WORLD RANKING

1	(1)	ბრაზილია	1649	15	(15)	უკრაინა	954
2	(2)	იტალია	1550				
3	(3)	არგენტინა	1479				
4	(4)	საფრანგეთი	1462	40	(41)	მოტლანდია	677
5	(5)	ინგლისი	1434				
6	(6)	ჰოლანდია	1322	65	(69)	ლიტვა	458
7	(7)	ესპანეთი	1309				
8	(8)	პორტუგალია	1301	84	(87)	საქართველო	359
9	(9)	გერმანია	1229				
10	(10)	ჩეხეთი	1223	169	(169)	ფარერები	54

I - გრაფა - ადგილი; II - ადგილი წინა თვეში; III - ქვეყანა; IV - ქულა

სარბიელელები ვულოცავთ ჩვენს ფოტოკორესპონდენტს გურამ დოლოენჯაშვილს შვილიშვილის გურამის დაბადებას. სასახელო ვაჟი გზრდილიყოს!



გამოვივიდა ესაც ფრანსუა ტრიუფო...

ეროვნული
ბიზნეს-ტიტაკა



დორასომ ჰაპარაცობა და სკანდალი დაიწყო: მთელი საფრანგეთის ნაკრები აიხადრა

ვიკაუ ღორასომ საფრანგეთის ნაკრების ფეხბურთელები და მწვრთნელი რამენაირად უნდა დაამშვიდოს, თორემ ძალიან დედავენ. განსაკუთრებით მწვრთნელი რაიმონ ღომენეკი ნერვიულობს, თუმცა არც სხვები აკლებენ, საქმე კი ის გახლავთ, რომ „პარი სენ ჟერმენის“ ნახევარმცველი მსოფლიოს ჩემპიონატის დღეებში „სამფეროვანთა“ ცხოვრებაზე ფილმს იღებდა. თურმე ეს, ფრანგი რეჟისორის, ფრედ პულეს პროექტის ნაწილი გახლდათ, თუმცა პულესი იყო თუ სხვისა, მსოფლიოს ვიცე-ჩემპიონები ფრიად შეაშფოთა.


დორასო გუმინ ბონიასთან ამხანაგურ შეხვედრაში მოწილეობისთვის გამოძახებული არ იყო, სამაგიეროდ, ფუტბალისტიკმა სანაკრებოდ თავმოყრილი სხვა „ლურჯები“ იხილეს და მათ გამოკითხეს საინტერესო ამბები. გუნდის ახალმა კაპიტანმა პატრიკ ვიეირამ შემოთვლით თქვა, რომ „ას და მის მეგობრებს არანაირი სურვილი არ აქვთ ვინმემ მათი ცხოვრების კერძო მომენტები გამოამზეუროს. სხვათა შორის, დორასო მკაცრად გააფრთხილა საფრანგეთის ფეხბურთის ფედერაციამაც. ფედერაციამ ვეტერან მოთამაშეს შეუთვალა, რომ სპეციფიკური კადრების საჯაროდ ჩვენებას მისი საგანგებო უფლება სჭირდება, პასუხად კი დორასომ საფრანგეთის რადიოს ეთერით განაცხადა, რომ მისი გადაღებული დოკუმენტური ფილმი სხვა არაფერია თუ არა აბსოლუტურად პიროვნული ხედავ იმ დღეებისა, რომლებიც მან გერმანიაში ერთი თვის მანძილზე გადაიტანა: „მინდა ყველა დავარწმუნო, რომ ცხოვრებაში არ ვიკა-

დრებ სხვათა სახეების და ხმების საჯაროდ გამოტანას მათი ნებართვის გარეშე. გარწმუნებთ, იმისათვის, რომ მუნდიალზე გადაღებული ფილმი გაუშუა, არავის ნებართვა არ მჭირდება, ვინაიდან ფილმი ჩემზეა. ეს ჩემი ისტორიაა, ზუსტად ისეთი, როგორც იქნებოდა, დღიური რომ ჩამეწერა და მერე დამებეჭდა. ამ შემთხვევაში „სუპერ-8“ კამერა ჩემი კალამი გახლდათ.“

დორასოს ამ გამოსვლამდე კი საფრანგეთის ნაკრების მწვრთნელმა რაიმონ ღომენეკმა კატეგორიულად განაცხადა, რომ დოკუმენტური ფილმში მონაწილეობა არ სურს:

„ფილმში მონაწილეობაზე თანხმობა არავისთვის მითქვამს და არც ახლა ვეტყვი. ყველაფერს აჯობებს, დორასომ ჩემი მონაწილეობით ყველა კადრი დაუყოვნებლივ ამოჭრას. მსოფლიოს ჩემპიონატი აღარ მალეღებებს, ის უკვე მოგონებაა, რომელიც ნაწერებსა და ფოტოებში არსებობს. მე ვხედავდი, როგორ იღებდა დორასო იმ დღეებში. ჩვენ ვილაპარაკეთ და მან მითხრა, რომ ეს იქნებოდა პირადად მისი ფილმი, მაშინ თავში აზრადაც არ მომსვლია, რომ ამისგან რაიმე პრობლემა შეიქმნებოდა. ახლა კი, ვინაიდან შეიქმნა, მინდა ვთქვა, რომ არავის აქვს უფლება საჯაროდ აჩვენოს საფრანგეთის ნაკრების ფორმით გადაღებული ფეხბურთელების კადრები. ეს კადრები იურიდიულად არის ქვეყნის ეროვნული გუნდის საკუთრება.“

პატრიკ ვიეირა: „არ ვიცოდი, რას აკეთებდა ჩემი თანაგუნდელი, გაცოცხლებული გახლავართ. დორასო ფრთხილად უნდა იყოს, რადგან აქ საქმე მთელი ჯგუფის ცხოვრებას ეხება.“



არის რაღაც-რაღაცები, რაც საჯაროდ არ უნდა აჩვენო. შეუძლებელია, გამოაქვეყნო ის, რისი გამოქვეყნებაც ჯგუფს არ უნდა.“

ხოლო საფრანგეთის ფეხბურთის ფედერაციის პრეზიდენტმა ჟან-პიერ ესკალეტემ პირობა დადო, რომ საკითხს აუცილებლად ჩაუღრმავდება და დორასოსგან გარანტიებს მიიღებს, რომ ფედერაციის უფლებები დაცულია.

„საფრანგეთის ნაკრების თამაშისა თუ ვარჯიშის კადრების ჩვენება უპირველეს ყოვლისა ჩვენი ნებართვით არის შესაძლებელი. ამწუთას დორასოს ეს ნებართვა არ აქვს“ — უთხრა მან გაზეთ „პარიზიენის“ კორესპონდენტს.

ბააუნა კელია

დალმას ერთჯერადი სხოვრება მოგეზრდა



ზრანზმა ნახევარმცველმა სტეფან დალმამ „ბორდოსთან“ ერთწლიანი კონტრაქტი გააფორმა ასე და ამგვარად, ფეხბურთელი სამშობლოში დაბრუნდა, მას შემდეგ, რაც თითქმის მთელი ვერობა მოიარა. მისი კარიერა „მატორუში“ დაიწყო, რასაც „ლანსი“, „მარსელი“, პსჟ, „ტოლუზი“, „ინტერი“ „ტოტენჰემი“ და სანტანდერის „რასინგი“ მოჰყვა.

„აქამდე, სადაც კი მითამაშია, ერთ სეზონზე მეტ ხანს გუნდში არ დავრჩენილვარ, ამჯერად კი, ვფიქრობ, კარიერას „ბორდოში“ დავასრულებ და აღარსად წავალ. ჩემს ცხოვრებასა და საფეხბურთო კარიერაში ის დრო მოვიდა, როცა მეტი სტაბილურობაა საჭირო“ — განაცხადა დალმამ.

„ბევრი მეუბნებოდა მასზე, რომ არასტაბილური ფეხბურთელია — ბრძანა „ბორდოს“ პრეზიდენტმა ჟან-ლუი ტრიომ — მაგრამ ჩემს კლუბში ასე არ იქნება. თავადაც სურს ერთ გუნდში დამკვიდრება, თუ ეს „ბორდოში“ მოხდება, მით უფრო სასიხარულოა ჩემთვის.“

27 წლის ფეხბურთელმა კი დასძინა: „კლუბების გამოცვლა ჩემგან დამოუკიდებელი მიზეზების გამო მიხდებოდა. „ბორდო“ დიდი გამოწვევაა და ამიტომაც ვფიქრობ კარიერის ბოლომდე აქ დარჩენას. შაბათს „ლიონთან“ თამაშს, ალბათ, ვერ შევძლებ, რადგან ფორმაში არ ვარ. წინა სეზონში „რასინგში“ მხოლოდ 13 მატჩი მალერსეს და ბოლოს დეკემბერში მომიწია მოედანზე გასვლა.“

გიორგი ღარჯანია



ჭახს!

მიუნხაენის „ბაიერნის“ ცენტრალური მცველი ვალერიან ისმაელი გატეხილი წვივის გამო ექვსი თვე ვეღარ ითამაშებს. ფრანგი ფეხბურთელი გუმინწინ ვარჯიშზე დაშავდა და ჰოსპიტალში გააქანეს.

„პირველად დიაგნოზით, წვივი უნდა იყოს გატეხილი — განაცხადა „ბაიერნის“ მწვრთნელმა ფელიქს მაგათმა კლუბის ვებგვერდზე — ვარჯიშში ორი წუთის დაწყებული გვექონდა, ჭახანის ხმა რომ გავიგეთ.“

საბოლოო დიაგნოზი ჯერ უცნობია, თუმც, როგორც უნდა იყოს, ისმაელი აქამდეც გატანჯული იყო ტრავმებით. მან ერთი ოპერაცია უკვე გაიკეთა მისში და შვიდი დღის წინ დაიწყო ვარჯიში.



დავსვავთ წერტილი!

იტალიას ჩივილ-ჩივილი მოგაზრდა, იტალიას ფეხბურთი უნდა



იტალიის ფეხბურთის ფედერაცია ოლიმპიურ კომიტეტს დაეხმარება. რაში? მოგეხსენებათ, კალჩოპოლის ტრიბუნალზე გასამართლებული გუნდები სასჯელს სწორედ ოლიმპიურ კომიტეტში აპროტესტებენ, რადგან იტალიაში მთელ სპორტს ეს ორგანიზაცია ხელმძღვანელობს და ფედერაციასაც გადაუწყვეტია, მას გამოსავლის ძებნაში დაეხმაროს.

შეგახსენებთ, რომ „იუვენტუსმა“, „ფიორენტინამ“, „ლაციომ“ და „მილანმა“ თავიდან ფედერაციის სააპელაციო ორგანოს შესჩივლეს და ვერდიქტიც, უხეშად რომ ვთქვათ, გაინახვერეს, მაგრამ შემდეგ, ეს

ნახევარიც აღარ მოეწონათ და ოლიმპიური კომიტეტის კარს მიაღწენ. და იცით, რომ, თურმე კიდევ ერთი ინსტანცია არსებობს? ამ ინსტანციას ჰქვია TAR, მაგრამ, რაც უნდა ერქვას, სერია A-სა და სერია B-ს ჩემპიონატები ხომ უნდა დაიწყოს და ამიტომ საჭიროა, ამ რია-რიას ერთხელ და სამუდამოდ მოეღოს ბოლო, თორემ 9-10 სექტემბრის შაბათ-კვირამდე ბევრი აღარ დარჩა. სწორედ ამიტომ გააქტიურდა ფედერაცია. ბოლოს და ბოლოს, მსოფლიოს ჩემპიონთა ქვეყანა ფეხბურთის გარეშე ხომ არ დარჩება.

ჩამოთვლილი სამი გუნდიდან პირველს „იუ-

ვენტუსს“ მოუსმენენ. ეს 18 აგვისტოს მოხდება და ფედერაციას ძალიან უნდა, რომ ყველაფერს ამ დღეს დაესვას წერტილი. ტურინელები ისევ უკმაყოფილონი რომ დარჩნენ და ახლა TAR-ში გაიქცნენ, ქვეყანაში საფეხბურთო გეგმები ფრიად აირევა, თუმცა, რაღა მართო ტურინელებზე ვთქვათ, დანარჩენმა სამამაც მალევე უნდა მოათავოს ჩივილი. თუმცა ის, რომ ჩემპიონატის ჩაშლის შიშით „იუვენტუსს“ ვინმე სერია A-ში ადადგენს, ძალიან საეჭვოა. დიდი-დიდი, მინუს ჩვიდმეტი ქულა შეუმცირონ. ხომ გახსოვთ, თავიდან „ბებერ ქალბატონს“ ახალი სეზონის დაწყება მინუს 30 ქულით მიუსაჯეს, მაგრამ

შემდეგ 17-მდე შეუმცირეს „ლაციოს“ და „ფიორენტინას“ „იუვენტუსზე“ მეტად ნამდვილად გაუმართლათ, სერია B-ში არ გაუვლიათ, თუმცა მინუს ქულები მათაც მიუსაჯეს. მათი მინუსი 11-ია, ხოლო ყველაზე ნაკლებად დასჯილი „მილანია“ — 8.

„ტყუილია, თითქოს ვინმე სასჯელის გაუქმებას აპირებდეს — უთხრა „გაძეტა დელო სპორტს“ ფეხბურთის ფედერაციის მავანმა წარმომადგენელმა — ჩვენს ფეხბურთში დიდი დარღვევები აღმოვაჩინეთ და სპორტული სამართლის სისტემა საკუთარი თავის პატივისცემას არ დაკარგავს.“

ბაკუნა კედი



ობაფაში მარტინსი 6 წელს იპარავს?

კაჭკაჭმა ნიგერიელის პასპორტში ჩაიხედა

„ნიუკასლ იუნაიტედის“ მწვრთნელ გლენ რიოდერს ობაფემი მარტინსის ასაკში ეჭვი შეეპარა — „ნიუკასლი“ ნიგერიელის „ინტერისგან“ ყიდვას გეგმავდა. მოგეხსენებათ, მარტინსისთვის „ინტერში“ ადგილი ძლიერ შევიწროვდა, რადგან მილანის კლუბმა ბოლო პერიოდში დაიმატა ისეთი თავდამსხმელები, როგორებიც არიან არგენტინელი ერნან კრესპო და შვედი ზლატან იბრაჰიმოვიჩი. როგორც კი მარტინსის შემენის შესაძლებლობა გამოჩნდა, მცირე გამოიკვთა სხვებზე მეტად დაინტერესებული მხარეც — „ნიუკასლ იუნაიტედი“ — მაგრამ აი, მოუსმინეთ რიოდერს:

„არის ეჭვი, რომ მარტინსი თავს ხუთი-ექვსი წლით უმცროსად ასალებს, ასეთი ადამიანის გუნდში მიყვანა კი ყოვლად შეუძლებელია — უთხრა „კაჭკაჭების“ შეფმა გა-

ზეთ „დეილი ექსპრესის“ კორესპონდენტს — თუ ეს ამბავი დამტკიცდება, მაშინ ასაკში სხვაობა ფაქტურადაა აუცილებლად უნდა აისახოს.“ „ნიუკასლ იუნაიტედს“ ძალიან სჭირდება თავდამსხმელი. მაიკლ ოუენმა, როგორც იცით, მსოფლიოს ჩემპიონატზე მყესები ძლიერ დაიზიანა, აღარ შირერმა კი ფეხბურთის თამაშს დაანება თავი. ამბობენ, რომ ნიუკასლელებს ცალი თვალი „ფეინორდის“ თავდამსხმელ დირკ კუიტზეც უჭირავთ.

რიოდერი: „ახალი ძლიერი თავდამსხმელის ყიდვა ძალიან ძნელი საქმეა და ამაში ძალიან ბევრი სხვა გუნდიც დამეთანხმება.“

ობაფემი მარტინსის შემენა „კაჭკაჭების“ გარდა სურთ „ლივერპულს“, „ტოტენჰემ ჰოთსპურს“, „პორტსმუთს“ და ესპანურ „ვალენსიას“.

ბაკუნა კედი

აღამიან-ჩემოდანს სომხეთი ჩააბარეს

სომხეთის ეროვნული ნაკრების მწვრთნელად „ჩელსის“, „შეფილდ უენსდისა“ და „აბერდინის“ ყოფილი თავკაცი იან პორტერფილდი დანიშნეს. ამის შესახებ ქვეყნის ფეხბურთის ფედერაციამ ოფიციალურად განაცხადა.

60 წლის შოტლანდიელმა, რომელსაც „სანდერლენდში“ და „შეფილდ უენსდში“ უთამაშია, სომხეთთან კონტრაქტი 2007 წლის ბოლომდე გააფორმა. გარიგების ფინანსური მხარე კი უცნობია.

„ძალიან ოპტიმისტურად ვარ განწყობილი — ბრძანა შოტლანდიელმა — მჯერა, ჩემი გამოცდილება ნაკრებს ძალიან წაადგება და წინ წასწევს.“

დანიშნულებაში დაბადებულმა პორტერფილდმა კარიერა „რეით როვერსში“ დაიწყო, 1967-ში კი „სა-


ნდერლენდში“ გადაბარგდა. 1973 წელს ინგლისის ასოციაციის თანხის ფინალში მან „ლიდსს“ გამარჯვების გოლი გაუტანა. 10 სეზონი გაატარა „სანდერლენდში“ და მერე „შეფილდ უენსდში“ გადავიდა, სადაც მოთამაშეობას მწვრთნელობასაც უთავსებდა.

რაც შეეხება სამწვრთნელო კარიერას: 1986-88 წლებში „აბერდინში“ იყო, 1988-91-ში — „რედინგში“, ხოლო 1991-93 წლებში — „ჩელსიში“.

მერე საზღვარგარეთ წავიდა და ზამბიის, საუდეთის და ზიმბაბვეს ნაკრებებს თავკაცობდა.


ინგლისში 1996-ში დაბრუნდა „ბოლტონის“ მწვრთნელის თანამშემედ. შემდეგ კი იყო ომანი, ტრინიდადი და ტობაგო და სამხრეთ კორეის კლუბი „ბურან იპარკი“.

ირაკლი ნინიძე



იან პორტერფილდი

პოსტფოტოგრაფი არა: შესუალდო მემქნსე იქნება



„პორტუს“, რომელიც ერთი კვირის წინ პოლანდიელმა კო აღრიანსემ მოულოდნელად დატოვა, სავარაუდოდ, შესუალდო ფერე-

რა ჩაიბარებს. ფერეირა, თავის მხრივ, გუშინწინ გადადგა „ბოაიშტას“ მწვრთნელობიდან.

პორტუგალიურ მედიას თუ ვე-

ნლობით, ფერეირა სწორედ ამიტომ წავიდა „ბოაიშტადან“, რომ „პორტუს“ თავკაცობა შესთავაზეს.

კო აღრიანსე მეხუთე მწვრთნელი იყო პორტუგლებისთვის მას შემდეგ, რაც ჟოზე მანუელინუს ხელში ჩემპიონთა ლიგა მოიგეს.

„პორტუს“ ოფიციალურად ვერ არაფერი გაუცხადებია, ხოლო „ბოაიშტას“ ვებგვერდზე წერია: „კლუბის დირექტორატისა და მწვრთნელის შეხვედრის შედეგად გადაწყდა, რომ შესუალდო ფერეირა გუნდიდან წავა.“

ბოაიშტელებს დროებით პედრო ბარნი უთავკაცებს, ხოლო პორტუგალიის ჩემპიონატი 25 აგვისტოს იწყება.

ირაკლი ნინიძე

ჩაიკრული კანუ პორტუგი აპოკალიფსის



„პორტსმუთის“ მწვრთნელმა პარი რედნაპმა განაცხადა, რომ „ვესტ ბრომვიჩიდან“ ნეანკო კანუს ტრანსფერი თითქმის მოგვარებულია და ნიგერიელი მის გუნდში ერთ-ერთი მთავარი ფეხბურთელი გახდება.

„ვესტ ბრომვიჩი“ პრემიერლიგიდან გასული სეზონში გავარდა, კანუს კი კლუბთან კონტრაქტი არ გაუხანგრძლივებია და პორტუგლებს უფასოდ მიჰყავთ. მოკლედ, ნიგერიელი კვლავ პრემიერლიგაში ბრუნდება.

„ვესტ ბრომვიჩი“ მოგვარებული და შეთანხმებულია. ახლა მხოლოდ კონტრაქტზე ხელის მოწერაა დარჩა — თქვა რედნაპმა — „ვესტბრომის“ მწვრთნელ ბრაიან რობსონისგან ვიცი, რომ კანუს უდიდესი პოტენციალი აქვს, გულმოდგინედ შრომა უყვარს და კარგი ხასიათის ბიჭია“.

ნიგერიელი, ცენტრფორვარდის კვალობაზე, გოლეების რაოდენობით ვერ დაიკვეხნის, მაგრამ „პორტსმუთის“ თავკაცს სჯერა, რომ მასთან კანუ გოლებს მოუხშირებს: „ჩემი გუნდი ყველანაირად დაეხმარება, რომ რაც შეიძლება მეტი გაიტანოს და შესაძლებლობის მაქსიმუმი გამოავლინოს. მან ძალიან კარგი პასები იცის და ბურთსაც საუკეთესოდ ფლობს. დარწმუნებული ვარ, მომავალ სეზონში ლიდერი გახდება“.

„პორტსმუთში“ ნეანკო კანუს მისვლის შემდეგ, ალბათ, ძირითად შემადგენლობაში ადგილს დაკარგავს ზიმბაბველი ფორვარდი ბენჯამინ მვარუვარი, თუმც მის გაყიდვას არ აპირებენ. „სენტ ეტიენს“ სურდა ზიმბაბველის შეძენა, მაგრამ რედნაპმა თქვა: „მვარუვარის არ ვყიდით“.

გაზა ხუციშვილი

ბრინი ბარაქუჩდა

„ვესტ ჰემს“ „ნორვიჩისა“ და ინგლისის ნაკრების მეკარე რობერტ გრინი 2 მილიონ გირვანქად შეიძინა.

26 წლის გრინმა, რომლის ყიდვა „ჩარლტონსაც“ სურდა, ლონდონელ „ჩაქუჩებთან“ ოთხწლიანი კონტრაქტი გააფორმა. ვესტჰემელებმა განაცხადეს, რომ მეკარემ თითქმის ბოლომდე მოიშუშა საზარდულის ტრავმა, რომლის გამოც მსოფლიოს ჩემპიონატზე ვერ მოხვდა.

რობერტ გრინმა 241 მატჩი ითამაშა „ნორვიჩში“, რომლის აღზრდილიც გახლავთ.

„ვესტ ჰემში“ დიდებული ატმოსფეროა — განაცხადა მეკარემ — აქ არიან ბრწყინვალე ფეხბურთელები და მათ ახალგაზრდა ინგლისელი მწვრთნელი ჰყავთ. ამ გუნდში გადმოსვლით ინგლისის ნაკრებში დამკვიდრებას შეეძლება“.

გრინი მეექვსე ნორვიჩელი ფეხბურთელია კლუბის ისტორიაში, რომელსაც ინგლისის ნაკრებში უთამაშია. ეროვნულ გუნდში მისი დებიუტი 2005 წლის იანვარში, კო-



ლუმბიასთან ამხანაგურ მატჩში შედგა. მასინ შეცვლაზე შეუშვეს.


სვენ გორან ერიკსონს გრინის წაყვანა მუნდილზეც სურდა, მაგრამ ბელარუსთან შეხვედრაში საზარდულის ტრავმა მიიღო და მან დატოვეს „ვესტ ჰემში“ მისი კონკურენტები არიან როი

კერილი და ვიმი უოკერი, ხოლო შაკა ჰისლოპი ამ ზაფხულს ამერიკულ „დალასში“ გადავიდა.

რობერტ გრინს ინგლისის 16, 17 და 18-წლამდელთა ნაკრებებშიც უთამაშია.

გაზა ხუციშვილი

ასალზელანდიური კონტრაქტი



„ბლეკბერნის“ ასალზელანდიელმა ფეხბურთელმა რაიან ნელსენმა კლუბთან ახალი, ოთხწლიანი კონტრაქტი გააფორმა და ბოლო მოუღო ჭორებს „პორტსმუთში“ მის შესაძლო გადასვლაზე.

მიუხედავად იმისა, რომ მოქმედი კონტრაქტის დასრულებამდე ორი წელი ჰქონდა დარჩენილი, ნელსენს კლუბმა კარგი თამაში დაუფასა და კიდევ ოთხი სეზონით დატოვა „ბლეკბერნში“.

ასალზელანდიელი გუნდში 2005 წელს, თავისუფალი აგენტის სტატუსით გადავიდა და მწვრთნელი მარკ ჰიუზი მისით ძალიან კმაყოფილია.

„პორტსმუთში“ სამჯერ სთხოვა „ბლეკბერნს“ 28 წლის მცველი მომყიდო, მაგრამ სამჯერვე უარი მიიღო. შეგახსენებთ, რომ „პორტსმუთი“ მილიონერმა არკადი გაიდამაკმა შეიძინა, კლუბს ფული გაუჩნდა და ამიტომაც სურდა ნელსენის გადაბირება.

პრემიერლიგა ზევ იწყება და „ბლეკბერნი“ „პორტსმუთს“ ხვდება.

ირაკლი ნინიძე



ჩაიკრული გიგანტი

რუნი და სქოულზი შესავალს გამოტოვებენ

პრემიერლიგა ჯერ არ დაწყებულა, უეინ რუნისა და პოლ სქოულზს კი უკვე სამ-სამ მატჩიანი დისკვალიფიკაცია აკვიდეს. „მანჩესტერ იუნაიტედის“ ფეხბურთელებმა 4 აგვისტოს, ამსტერდამის ტურნირზე, „პორტუსთან“ მატჩში წითელი ბარათები მიიღეს. ეს საქმე ინგლისის ფეხბურთის ასოციაციის სადისციპლინო კომიტეტმა განიხილა და ორივეს სასჯელი გამოუწერა. „მანჩესტერმა“ გაასაჩივრა, მაგრამ შეწყალებაზე უარი მიიღო.

რუნისა და სქოულზს კვირას, 20 აგვისტოს, პრემიერლიგის პირველ ტურში „ფულემთან“ თამაშის უფლება აქვთ, თუმც ფორვარდს მცირე ტრავმა აწუხებს. ხოლო მომდევნო სამ მატჩს — „ჩარლტონთან“, „უოლტორდთან“ და „ტოტენჰემთან“ — გამოტოვებენ.

ინგლისელი მიმომხილველები „პორტუსთან“ თამაშის მერე წერდნენ, სქოულზი გაძევებას იმსახურებდა, მაგრამ რუნი გასაგდება არ იყო და მსაჯმა მიჰქარაო.

უეინ რუნი სანაკრებო დონეზეც დასჯილია. მსოფლიოს ჩემპიონატზე პორტუგალიელი ფეხბურთელის ჩაწიხვლის გამო, ევრო 2008-ის ორ შესარჩევ მატჩში ინგლისს დააკლდა. 2 სექტემბერს ანდორასთან და 6 სექტემბერს მაკედონიასთან შეხვედრებში ვერ ითამაშებს.

ირაკლი ნინიძე

პარბრივისი აპოკალიფსის

გერმანიის ჩემპიონმა მიუნხენის „ბაიერმა“ განაცხადა, რომ ინგლისელი ნახევარმცველის, ოუენ პარბრივისის გაყიდვას არ აპირებს, ამის თქმა კი ბავარიელებს იმიტომ დასჭირდა, რომ დაირბა ხმები, თითქოს პარბრივისის შეძენით „მანჩესტერ იუნაიტედი“ დაინტერესდა.

„პარბრივისის“ შესახებ საუბარიც ვერ იქნება — განაცხადა „ბაიერის“ მენეჯერმა ული ჰიონესმა — ოუენს ჩვენთან 2010 წლამდე აქვს კონტრაქტი და ეს ვადა ბოლომდე ამოიწურება. ერთი სიტყვით თემა ამოწურულია“.

კანადაში დაბადებული პარბრივისი 25 წლისაა. სწორედ მას უთქვამს გერმანიული „კიკერის“ კორესპონდენტისთვის, რომ მისით ალექს ფერეიუსონი დაინტერესდა და რომ ეს „უბრალოდ ფანტასტიკურია“.


„ეს ამბავი მე განსაკუთრებით მაინტერესებს, ვინაიდან ინგლისის ნაკრების ფეხბურთელი ვაზლავარი ადამიანმა ცხოვრებაში ბოძებული ყოველი შანსი უნდა გამოიყენო, ვინაიდან არასდროს იცი, როდის ჩავივრდება მეორე შესაძლებლობა“ — უთქვამს პარბრივისს „კიკერისთვის“.

სხვათა შორის, ინგლისის ფეხბურთის ასოციაციის ჩატარებული გამოკითხვის თანახმად, ახლახანს დასრულებული მუნდიალის საუკეთესო ინგლისელ ფეხბურთელად სწორედ პარბრივისი დაასახლეს. პარბრივისი „ბაიერში“ 1997 წლიდან არის. გერმანიული „შპორტბილდის“ ცნობით მასში ერთი ინგლისური კლუბი (ადვილი მისახვედრია, რომ „მანჩესტერ იუნაიტედზე“ საუბარი) 25 მილიონ ევროს იხდის. ცნობილია, რომ ამ მებრძოლ ნახევარმცველზე უარს არც „არსენალი“ და „ტოტენჰემ ჰოთსპური“ იტყოდნენ.

გაზა ხუციშვილი



ოსნების მისია



ელტონ ბრენდი „ოსნების თორმეტეულის“ წევრია

„მისია შესრულდა!“ — ასეთი განწყობით ხვდებიან ამერიკელები მსოფლიოს ჩემპიონატი, მისიაში კი ისინი, ცხადია, იაპონიიდან მსოფლიო ოქროს წამოღებას გულისხმობენ. კარგა ხანია, მათ ხელთ არ უვლიათ ოქროს საწმისი. ახლა ხუთი „საგამოყენო“ მატჩი ითამაშეს ამერიკელებმა და ხუთივე მოიგეს, უმრავლესობა იოლად. მხოლოდ ბრაზილიასთან გაუჭირდათ და ვერც მოახერხეს უპირატესობის ორციფრა რიცხვში ასახვა, მხოლოდ ოთხი ქულით იმარჯვეს.

სულ ბოლო საკონტროლო შეხვედრა ამერიკელებს სეულში, სამხრეთ კორეის ნაკრებთან ჰქონდათ. ვერ ვიტყვით, კარგელებმა წინააღმდეგობის გაწევა ვერ შეხვედრის კალათბურთის უკაშკაშეს ვარსკვლავებს, შეხვედრის და 63 ქულაც ჩაუგდეს, თუმცა სტუმრებმა თვის წილად 116 ქულით „გააბედნიერეს“ მასპინძლები და მოსამზადებელი ციკლიც მშვენიერ განწყობაზე ჩამთავრეს.

„იანკების“ თავკაც მაიკ კრეიფიკის საქმიან საუბარში მანცდამანც არ იგრძნობა თვითკმაყოფი-

ლება, თუ არ ჩავთვლით უშუალოდ კორეასთან ნამატჩევს ნათქვამ ფრაზას — „ნიჭში სხვაობა ანგარიშში ავსახეთ“. კრეიფიკის უფრო დეტალებზე ლაპარაკობს და ყველაზე მეტ წუხილს იმ ერთი მოთამაშის გამო გამოქვამს, რომელიც მუნდიალს გარეთ უნდა დატოვოს. ჯერ კი არ დაუსახელებია, 13 მოთამაშიდან რომელს შეეღებოდა, გარედან დანახული თვალბით კი ეს ან ბრიუს ბოუენი უნდა იყოს, ან შინ ბეტი. ერთი ამპლუსის მოთამაშეები არიან, უფრო კარგი დამცველები, ვიდრე შემტევები. იყო „გარიცხვის“ კიდევ ერთი კანდიდატი, 211-სანტიმეტრიანი მეფარე დაუიტ ჰოვარდი, მაგრამ ამან კრეიფიკის კორეასთან შეხვედრაში მოაწონა თავი.

„უკმაყოფილების საბაბი ნაკლებად უნდა გვქონდეს — ამბობს ამერიკელთა მეთაური — ბიჭები მონდომებულები არიან, გუნდის ინტერესებს პირადულზე წინ აყენებენ, უგოიზში არ სტანჯავენ, დაცვაში თამაშს არ თაკილობენ... ვუყურებდი სახეებს და ვატყობდი, როგორ სწყინდათ კორეელთაგან ჩაგდებული თითოეული ქულა“.

ამერიკელებმა ეს 5 ამხანაგური შეხვედრა საშუალოდ 34,2 ქულით მოიგეს, თუმცა იაპონიაში ოფიციალურ მატჩებში ეს მაჩვენებელი, ალბათ, წონაში და დამაჯერებლობაში მოიკლებს. აშშ მუნდიალზე პირველ მატჩს 19 აგვისტოს ქალაქ საპოროში გამართავს ძველ მეტოქესა და ახლო მეზობელ პუერტო რიკოსთან.

კობა ყოფნია

ნუ შეგვპრისსავით სერბები თამაშს სწავლობენ

მედალს სერბებიც კი ისურვებდნენ, მაგრამ ბალკანელთა ოცნება ცოტა გასაკვირი და ბრაზილიელებზე ნაკრებ საფუძვლიანია. ბოლო ორი მუნდიალის და კიდევ ათეულობით უპრესტიჟულესი ჯილდოს მომგებ იუგოსლავიის მთავარ მემკვიდრეებს ძალიან, ძალიან დიდი ხანია, ასე უფერული გუნდი არ ჰყოლიათ. ძალიან ახალგაზრდული, ძალიან გამოუცდელი

და ძალიან უცნობია ეს სერბები. სერბთა მეთაური დრაგან საკოტა თავს იქეპავს და ამბობს, იაპონიაში თუ რამ მარცხი შეგვემთხვა, დიდადაც ნუ შეგვერისხავთო. ესაა სრულიად განახლებული ნაკრები, რომელსაც 2004 წლის ათენის ოლიმპიადიდან ერთადერთი მოთამაშე იგორ რაკონიჩიჩი მოსდევს, სხვები კი ეს ერთი-ორი წელია, ნაკრებში არიან, ოღონდ ჯერ თა-

ვი არ გამოუჩენიათ. სერბთა შემადგენლობიდან, თქვენის ნებართვით, ერთ მოთამაშესაც ვახსენებთ. 2003 წლის დრაფტის ხმაურთან სახელი, ლებრონ ჯეიმსის შემდეგ არჩეული დარკო მილიჩიჩი რა ხვითოცაა, ამ სამ ნბა-ურ სეზონში გამოჩნდა. ამ ყბადაღებულ კაფანდარა ბიჭს ნბა-ში უკვე აღარც ნიჭიერ მოთამაშედ აღიქვამენ და არც მისი ათამაშების იმედი აქვთ. სერბულ ნაკრებში კი მას გამორჩეული ადგილი უკავია და არც სათამაშო დროს ნაკლებობს.


მაგრამ ერთი უნდა ვთქვათ, სერბებმა ერთხელ უკვე ჩააჩუმეს სკეპტიკოსები, როდესაც სინგაპურში 19 ქულით სძლიეს ოლიმპიურ ჩემპიონ არგენტინას. თუმცა საკოტა მანც იზღვევს თავს და კითხვაზე, იაპონიაში რას აპირებთო, მანც დამანც ნათელ ფერებში არ ხატავს თავისი გუნდის უახლოეს მომავალს.

„განსაკუთრებით ფარქვეშეთში გვიჭირს სწორედ მილიჩიჩის პოზიცია. მოხსნებში მოვიკოჭლებთ და მეტოქეს ხშირად ვაძლევთ მეორე და მესამე შეტევის საშუალებას. ჩვენ გვაქვს დიდ გუნდად ქცევის პოტენციალი, მაგრამ ახლა ვერ გეტყვით, ამას რა დრო დასჭირდება“.

კობა ყოფნია



დრაგან საკოტა მედალს უმიზნებს



ენდრიუ ბოგუტი იაო მინის წინააღმდეგ

AFP ტურფიანიდან

ბურჯიანის ჩინური იაო მინი მაქსია

მუნდიალისწინა ერთ-ერთ უკანასკნელ საკონტროლო მატჩში ჩინეთმა ავსტრალია 63:61 დაამარცხა. აზიის მრავალგზის ჩემპიონებთან ქვეყან-კონტინენტელებს სწორედ ამ ერთი წლის წინ ნბა-ს დრაფტზე პირველ ნომრად არჩეულმა (მილუოკი) ენდრიუ ბოგუტმა ცერ უშველათ. ამ 211-სანტიმეტრიანმა ცენტრმა ჩინელებს 20 ქულა უმარჯვა კალათში. მას 12 ქულა სემ მაკკანონმა მიახმარა, 10 — ჯეისონ სმიტმა. მაგრამ ჩინელებსაც ჰყავთ თავიანთი გოლიათი, რომელთანაც ბოგუტი ლამის ბავშვს ჰგავდა — ყველასთვის ასე კარგად ცნობილი იაო მინი, რომლის სიმაღლის შესხენებით თავს აღარ შეგავწყენთ. ჩანს, მინმა საბოლოოდ მოიშუშა მუხლი და იაპონიაშიც უთუოდ გაჰყვება თავის გუნდს, ახლა კი მან 21 ქულა ჩაუგდო ავსტრალიელებს და ქალაქ კანსუნის 10-ათასიან, გადაჭვდილ დარბაზს ხარისხიანი კალათბურთი უჩვენა — ესეც სათქმელია — ბოგუტთან მეტოქეობაში და მისი ერთგვარი დახმარებით.

„ჩინეთი ისეც კარგი გუნდია, ხოლო როცა მოედანზე იაო ჰყავს, ძალიან კარგია“ — მეტოქეს აქებდა ავსტრალიელთა თავკაცი ბრაიან გურჯიანი — წავაგეთ, მაგრამ ჩინეთში მანც ნაყოფიერად ვიმუშავეთ საკუთარ თავზე. დავამარცხეთ საბერძნეთი და საფრანგეთი, ასე რომ, საწუწუნო არაფერი გვაქვს“.

კობა ყოფნია

არც ჩვენ გგანყენს მედალი


სპარინგ-მატჩები ასე ამერიკელებით არ მიუყრ-მოუყრათ, მაგრამ ამავე ამერიკელთა ყველაზე მეტად დამზაფრავი ბრაზილიელების ბანაკიდან მანც ოპტიმისტური ხმები მოისმის. ბრაზილიელი კალათბურთელები ფეხბურთელი თანამემამულეებისგან განსხვავებით, ოცნებებში შორს ვერ გაფრინდებიან და მსოფლიოს ჩემპიონობაც ალბათ ოცნებადვე დაურჩებათ, თუმცა ის კი სჯერათ, რომ ბევრზე ცუდი გუნდი არ ჰყავთ და თვის წილ ბედნიერებას იაპონიაში აუცილებლად მოიპოვებენ.

შემადგენლობის ავკარგანობაზე, უფრო კი კარგანობაზე საუბრობს ბრაზილიელთა ყველაზე გამოცდილი მოთამაშე, 31 წლის მარსელინიო მანადო, რომელსაც თითო მხარზე თითო მუნდიალი აწევს და ახლა იმედოვნებს, მესამის სახსოვრად მკერდს რაიმე სინჯის მედლით დაიმშვენებს.

„ჩემთვის ეს ჩემპიონატი რიგით მესამეა და ვგონებ, შემძლია, თა-

ობათა შედარება — ამბობს მანადო — ახლა უკეთესი გუნდი გვაქვს. ისე ნუ გამოგებთ, თითქოს წინათობას ვაჩინებდეთ. უბრალოდ, ახლანდელ ბიჭებს, რამდენიმე მათგანს მანც — გაცილებით მდიდარი საერთაშორისო გამოცდილება აქვთ. ბარბოსა და ვარეშო ნბა-ში თამაშობენ, სპლიტური ესპანეთში და ევროლიგაში. წლების წინ კი ჩვენი ნაკრები ძირითადად შიდა ჩემპიონატში მოთამაშეებით კომპლექტებოდა. მაღალ დონეზე თამაშმა მეც შემძინა გამოცდილება. შემძლია და მინდა, ეს ახალგაზრდებს გადავცე. ახლა ვგრძნობ, რომ ჩვენს გუნდს ძალიან ბევრის გაკეთება შეუძლია. საკმაოდ მოემწიფდით დიდი გამარჯვებებისთვის. რაც შემეხება მე, მინდა, სულ ცოტა, ორი წელი კიდევ ვითამაშო უმაღლეს დონეზე, 2007 წელს პანამერიკულ თამაშებზე, 2008-ში კი პეკინის ოლიმპიადაზე. მწამს, რომ პეკინში კიდევ უკეთესები ვიქნებით“.

კობა ყოფნია



სიკვდილზე K 2-ზე

დედაშიშის სიმართლით მეორე მწვერვალზე ჩოგბურთის ოფიციალური (K2) იმდენი იჭირვეულა, ხან რვაათასიანებისთვის არადასახსნათელი სობოლი, რამაც ქვისცვენა გამოიწვია, ხანაც ქარმსლითა და დინდობლობით, რომ ოთხი რუსი მთამსვლელი შეიწირა. მათ ექსპედიციანი, რომელსაც „K2 კუზბას — 2006“ ერქვა შეუერთდა კიდევ თითო ქართველი, ბელარუსი, პოლონელი და ირლანდიელი მთამსვლელი.

ამ გუნდის წევრმა, ჩვენმა მთამსვლელმა ვია თორთლაძემ, მოსალოდნელი ზიფათი ჯერ კიდევ ერთი კვირის წინ იგრძნო და საბაზო ბანაკიც მაშინ დატოვა, სხვები გამოდარებას დაელოდნენ. ტრაგედია კი მწვერვალთან 200 მეტრით ქვემოთ დატრიალდა, როცა მას ზვავი მოსწყდა და ოთხი რუსი მთამსვლელი თან გადაიყოლა.

ეს ამბავი გუმინ დადასტურეს ექსპედიციის მეთაურმა და ადგილობრივი კავშირის ოფიცერმა.

კატინა დილ ზვიზილი

შუმახერი და რაიკონენი ერთად?



მსოფლიოს შეიღვზის ჩემპიონი მიხაელ შუმახერი დაახლოებით ერთ თვეში, იტალიური ეტაპის დროს გამოაცხადებს, დარჩება ფორმულა 1-ში თუ პენსიაზე გავა.

37 წლის ფერარელმა სეზონის დაწყების წინ აღიარა, რომ „სამეფო რბოლებში“ მისი მომავალი მანქანის კონკურენტუნარიანობაზე იქნება დამოკიდებული. ბუნებრივია, იგი არ ჩქარობდა დადებითი გადაწყვეტილების მიღებას შარშანდელი მწარე გაკვეთილის შემდეგ, როცა უმთავრესად „ბრიჯსტონის“ უხეირო საბურავების მიზეზით ფერნანდო ალონსოსა და კიმი რაიკონენს ვერ გაუწია კონკურენცია და მესამე ადგილზეც კი შემთხვევით გავიდა.

საინფორმაციო საშუალებებმა მაშინვე აავორეს ხმა, მიხაელის წასვლის შემთხვევაში „სკუდერიაში“ მის ადგილს მაკლარენელი რაიკონენი დაიკავებსო. ასახელებდნენ საკონტრაქტო თანხასაც — წლიურ 35 მილიონ დოლარს. ფინელი „ყინულის კაცი“ და „ფერარის“ ბოსობაც ამ გარიგებას უარყოფდა.

ახლა კი, რადგან შუმახერი მიმდინარე ჩემპიონატში წარმატებით დაჯირითობს და მორიგი ტიტულის მოპოვების მშვენიერი შანსიც აქვს, გერმანული „აუტო ბილდ მოტორსპორტი“ სექტემბერს არ დაე-

ლოდა და გადაწყვეტილ ამბად გამოაცხადა, რომ მიხაელი 2007 წელს „ფერარისთან“ თანამშრომლობას გააგრძელებს, ხოლო მეწყვილედ სწორედ რაიკონენი ეყოლება, რომელსაც „სკუდერიასთან“ ხუთწლიანი(!) კონტრაქტი გაუფორმებია. ორივე პილოტს გუნდში ერთნაირი სტატუსი ექნება.


რაც შეეხება ფელიპე მასას, იგი „ფერარიში“ თავის წინანდელ თანამდებობას, ტესტ-მძღოლობას დაუბრუნდება, ოღონდ ჯამაგირის მნიშვნელოვანი მომატებით. ბრაზილიელს შანსი ექნება, 2008 წელს რაიკონენის პარტნიორი გახდეს, თუკი შუმახერი გაისად მაინც დაემშვიდობება „სამეფო რბოლებს“.

სადღეისოდ 2007 წლის ჩემპიონატის შემადგენლობები მხოლოდ ოთხ გუნდს აქვს გარკვეული.


უცვლელად შეინარჩუნეს ტანდემი „ჰონდაში“ — ჯენსონ ბატონი, რუბენს ბარიკელო და „ტიოტამი“ — რალფ შუმახერი, იარნო ტრული.

„უილიამსში“ ნიკო როსბერგი რჩება, ხოლო მარკ ვებერს ავსტრიელი სათადარიგო მრბოლი ალექსანდრ ვურცი შეცვლის. ავსტრალიელი ვებერი „რედ ბულში“ გადავიდა, სადაც ავსტრიელ კრისტიან კლიენს შეცვლის. „ფითელი ხარების“ წამყვანი პილოტი კი გაისადაც მოტლანდიელი დევიდ კულჰარდი იქნება.

ზია ახალაძე



უნიჭიერესი რუსი ჰოკეისტი, 20 წლის ევგენი მალკინი ამერიკაში გაიქცა. გაიქცა ისე, როგორც ადრე, გასული საუკუნის 80-იანი წლების ბოლოს გარბოდნენ, როდესაც საბჭოეთზე ათწლეულობით ჩამოფარებულ რკინის ფარდაში პატარა ღრიჭო გაჩნდა და ამ ღრიჭოს ათასები მიასკდნენ. ამ ათასებში ჰოკეისტებიც იყვნენ და სწორედ მაშინ მოხდა ჰოკეისტის ყველაზე ხმაურიანი გაქცევა — ალექსანდრ მოვილინიმ საბჭოელთა ახალგაზრდული ნაკრები დატოვა და ბაფალოს მიაშურა



გაქცევა ჰელსინკიდან აზიდნა, ზა ქარჟაჟუ აზიდნა

მალკინიც დაახლოებით ასე გაიქცა — დიდი ფიქრის, პატრიოტული შეგონებებისა და მოლაპარაკებების შემდეგ მაგნიტოგორსკის „მეტალურგთან“ კიდევ ერთი წლით გააგრძელა კონტრაქტი და გუნდთან ერთად ფინეთში სეზონისწინა მოსამზადებელ შეკრებაზე ჩასული ჰელსინკიდან აორთქლდა.

სრულად რუსეთი, არა მხოლოდ რუსული ჰოკეის სამყარო, არამედ მთელი დერჟავა შოკმა — ადრე ხო, ადრე გარბოდნენ, მაგრამ მაშინ საბჭოთა რეჟიმი იყო, სპორტსმენებს კაპიკებს უხდიდნენ, აქ ცხოვრება არავის უნდოდა და ახლა კი, როდესაც რუსეთი კვლავაც დიდი ქვეყანა (თანაც დემოკრატიული), სადაც ჰოკეისტებს ბევრ შემთხვევაში იმაზე მეტს უხდიან, ვიდრე ჩრდილოეთ ამერიკაში, ასე გაქცევა როგორ იქნებოდა, ბოლოს და ბოლოს, რატომ აფორმებდა „მეტალურგთან“ კონტრაქტს და, თუ გააფორმა, მოეცადა ეს ერთი წელიც და წესიერად წასულიყო — აი, ასეთია რუსული ჰოკეისა და სპორტის ჩინოვნიკებისა და საინფორმაციო საშუალებათა გულდათოუთქული აზრი.

მაგნიტოგორსკული გუნდის გენერალურმა დირექტორმა ვენადი ველიჩკინმა სპორტული ტერორიზმიც კი ახსენა და განაცხადა, „პიტსბურგს“ აუცილებლად სასამართლოში ვუჩივლებთო.

„პიტსბურგ პინგვინზი“ კი ის გუნდია, რომელმაც ამ სამი წლის წინანდელ დრაფტზე მთლად დღაპი, 17 წლის მალკინი აიყვანა. ერთი ვე იყო, რომ მერე NHL-ში საქმეები აიწეწა, ლოკაუტის გამო მთელი სეზონი გაცდა და მალკინის ჩრდილოამერიკაში წასვლა კი არა, თავად კანადელი ვარსკვლავები ჩამოვიდნენ რუსეთში სამამაოდ. მარშან ლოკაუტი კი დასრულდა, მაგრამ ევგენიმ ერთი წლით სამშობლოში დარჩნა გადაწყვიტა. ეს ერთი წელიც გავიდა და რუსულ საინფორმაციო საშუალებებში მთელი საგა გაჩაღდა — მალკინი რჩება, მალკინი მიდის, მალკინმა „მაგნიტკასთან“ ხელშეკრულება გააფორმა, მალკინს პიტსბურგში ელიან და ასე შემდეგ.

რუსული ჰოკეის ასალი შეფი, ლეგენდარული მეკარე ვლადისლავ ტრეტიაკი და რუსთა ნაკრების ასევე ასალი თავკაცი ვიარესლავ ბიკოვი უნიჭიერესი ცენტრფორვარდის გარშემო დამრტყმელი სამეულისა და სამსოფლიოჩემპიონატო ნაკრების აშენებას გეგმავდნენ, მაგრამ... „უადრესად გულგატეხილი ვარ. მოთამაშე უნდა ფიქრობდეს, რას აკეთებს, მალკინმა კი თავისი საქციელით მრავალ ადამიანს უღალატა“ — განაცხადა ტრეტიაკმა და მერე ჩვეული რუსული ამბები მოაყოლა რუსული ქვეყნისა და ჰოკეის აღორძინება-გაფულიანების შესახებ და ახლა გაქ-

ცევა როგორ იქნებოდა, დაამატა. ჰოკეისტის დედა, ნატალია მიხაილოვნა: „ფულში არ არის საქმე, ფულში ის არაფერს კარგავდა. მას, უბრალოდ, ძალიან უნდოდა NHL-ში თამაში, მაგრამ „მეტალურგის“ თავკაცები ბოლო ხანებში სულ პატრიოტიზმზე ელაპარაკებოდნენ და ევგენის გრძნობებზე თამაშობდნენ. ის უარს ვერ ამბობდა, მაგრამ შემდეგ მე შეუბნებოდა: „მე ხომ იქ მელიან, მე ხომ მათ შევპირდი!“

შეპირდა და შეასრულა კიდევ წავიდა. უფრო სწორად, გაიქცა. ისე გაიქცა, როგორც ადრე გარბოდნენ და რუსულ დერჟავისტულ სულს რაღაც ჩექმისმავგარი ჩასცნო.

NHL-ის ვიცე-პრეზიდენტი ბილ დელიო, ბუნებრივია, დიდად არ ნაღვლობს შეურაცხყოფილი რუსული სულის თაობაზე: „იძულებითი მონობის დრო დიდი ხანია, რაც დასრულდა. ჩვენ პატივს ვცემთ მოთამაშის სურვილსა და მის უნარს, მიიღოს კანონის შესაბამისი გადაწყვეტილება და ვიმედოვნებთ, რომ მალკინის საქციელი აიძულებს რუსეთის ჰოკეის ფედერაციის ჩინოვნიკებს, დასხდნენ ჩვენთან ერთად მაგიდასთან და მოვილაპარაკოთ იმ ახალ ხელშეკრულებაზე, რომლის მიხედვითაც განხორციელდება რუსეთიდან NHL-ში ჰოკეისტთა ტრანსფერები“.

ზია შუჯირი

AFP



გაუქლებენ

ასეთ მანქანებს 1934-57 წლებში უშვებდა სიტროენის ქარხანა. ძველებურია, ძველია, მაგრამ წუნი არ დაედება, მაინც ყოჩაღად დადის. მისი პატრონი დიდიე ჰესე მისით კონტინენტ ავსტრალიის გადაკვეთას და 7 ათასი კილომეტრის გავლას აპირებს — სიდნიდან დარვინამდე გრძელი გზაა, მაგრამ მანქანაც გამძლეა და მისი პატრონიც.

AFP სეულლიდან



ვესსსურები უტატებს!

ქვეყნის სამსახური მარტო ავტომატს და ყუმბარას არ გულისხმობს. ერთგულება ბურთაობითაც მტკიცდება. ესენი სწორედ მობურთალები არიან, აშშ-ს კალათბურთელთა ნაკრების ლიდერთაგანი ლებრონ ჯეიმსი გუნდის ხელმძღვანელთა ფონზე ფიცს დებს, არ გაახაროს თავისი ქვეყნის მტრები მოედანზე.

კილომეტრნახევარი

პეკინი მასპინძლობს მსოფლიოს ახალგაზრდულ ჩემპიონატს მძლეოსნობაში. ესენი 1500 მეტრზე მორბენლები არიან. წინ რომ ქარზე უსწრაფესად მიჰქრის, ბაჰრეინელი ბელარ მანსურ ალია. გამარჯვებულიც ისაა.



11th IAAF World Junior Championships



AFP პეკინიდან

მარტო ზღვაში

ეროვნული
ბიზნესოთიკა



ბისკაის ყურის ტალღებს მიაპობენ ცალკაციანი იახტები. ესპანური სანტანდერიდან ფრანგული სენტ-ჟალ-კრო-დე-ვამდე ასე მარტოებმა უნდა მიაცურონ თავიანთი აფრიანი ვარცლები. ნიკოლას ტრესელის იახტა უკვე უახლოვდება საფრანგეთის ნაპირებს. ნამიცი და, შუქურასაც ჩაუვლის.



მაქსიმის სათრით

ჟურნალ „მაქსიმის“ ყდაზე მოხვედრის სათრით მრავალი ცნობილი მოუშიშვლებიან სხეულის ნაწილები. ეს ფეხბურთელები ქალი ცურვაში მსოფლიოს ჩემპიონი, გერმანელი ბრიტა კამრაუ გახლავთ.

სარბიელი

საორტული გაზეთი

გამოიცემა 1990 წლის
28 დეკემბრიდან

გამოცემის ორგანოს,
საგზაბათს, ოთხგზაბათს,
ხუთგზაბათს,
პარასკევს და შაბათს

გამომცემელი ზურაბ შონიძე
დირექტორი ბიორბი ოქროშვილი
მთავარი რედაქტორი თამაზ მიხრაიანი
პასუხისმგებელი რედაქტორი პაპა შალვაშვილი
ტექნიკური რედაქტორი მამუკა გუბაშვილი
ქართული ფეხბურთის რედაქტორი: დავით თავართქილაძე
კობა ინასარიძე, ილია ნანობაშვილი, ვიორგი ნოზაძე
უცხოური ფეხბურთის რედაქტორი: ვიო ახვლედიანი,
უცხოური ფეხბურთის რედაქტორი: ვიო ახვლედიანი,
ილია ბაბუნაშვილი, ვიორგი დარჯანია, ვიორგი ვაშაყიძე.

ვიორგი კაკაბაძე, ლადო ხომერიკი
ინფორმაციის რედაქტორი: ბიორბი ბერიძე
ინფორმაციის რედაქტორი: ვიო ახვლედიანი, ავთანდილ გურასაშვილი,
ოთარ მაღლაკლიძე, ირაკლი პერტაია, ბაი სენიძე, ირაკლი ფირაშვილი
ფოტორეპორტიორები: გურამ დოღენჯაშვილი, ბადრი კვიციანი
სტილისტები: ნათელა ვიორგობიანი, ლალი გოშალიშვილი
კომპიუტერული ცენტრი: ლეილა ბეგლაროვა, ლია ბესელია,
ხათუნა ბუხუნიშვილი, ფატი დვალისხელი, მაგალი დვალისხელი,
რუსუდანი ერისთავი, ზვიად მოსიაშვილი, თამარ ქინჭაძე, ზურაბ
წერეთელი

სარბიელის საგამომცემლო სამსახური: 38-11-14, 877 54 55 00

რედაქციის მისამართი:
თბილისი, ალექსანდრე
ყაზბეგის გამზირი 42, II
კორპუსი, IV სართული:
საფოსტო მისამართი:
თბილისი — 79, საფოსტო
ყუთი 208. ტელეფონი: 39 48 29
ელექტრონული ფოსტა
sarbili@gol.ge
ელექტრონული ვერსია
http://www.sarbili.com.ge